


Komba á kà ngòmà boo

Dieu divise les langues



Ancien Testament

6

Komba á kà ngòmà boo

Dieu divise les langues

CABTAL
B.P. 16550
Yaoundé
République du Cameroun
E-mail : info@cabtal.org

2011


Langue : baka, parlée dans la Région de l'Est de la République du
Cameroun
Code langue ISO 639-3 : bkc

Titre en français : Dieu divise les langues
Genèse 11.1-9

Cette histoire biblique, conçue pour les lecteurs bakas, a été
développée par une équipe de traduction à Ndjibot.

Illustrations bibliques de Jim Padgett, courtoisie de Sweet
Publishing, Ft. Worth (Texas) et de Gospel Light, Ventura
(Californie) © 1984. *Tous droits réservés.*


© CABTAL, 2011



Lìkànnò a Komba à tie kè é kào tɛ ngòmà boo è.
Lìkànnò ná e lìkànnò a ngòmà Komba.

À tie na mbèlì òò, bo nà pɛ tóló kèò wó òò a dótò
ndánda kpóde. Ngòmà kè wó òò na ngómà nè, e òò
ngòmà kpóde. E bíde de, wópè, e òò ngòmà kpóde.

Boo wó bà ngomà ngòmà kpóde kò pe boo wó jè.
Boo kòpɛ wó à jè ngòmà ná.




Nɔ̀ò làkpe, boo kòpe wá ja ngò ló pe : « Okà, gbo nì tóló, sí nì te gba. Gba ná e ngbe gba. Gba ná, pe boo wó sià lé, kòmbè wó sià kpéké a ngatínì. »


Endè, wá gbo tóló. Méeè, méeè, méeè...

Wá sì te ngbe gba. Wá sì, wá sì, wá sì...

Wá mbè te na sì nda a ngóó kòpe.



Ekò, pe wó sià pe wó tε kpéké na mεè tε èe ná kokò
nè, wó ngo ja ngò ló à tie bíde ná pe : « Mée nì nòò
èe kina penà nda na kpò. E ngèngélé wósòlò, a go a
ye penà nda na mònjònjò. E ngbengbe à wótò, kótò a
libolò. Èe ná kòmbe e manà ngbengbe a ngatìni à pe
tóló kè kòpe. »



Ekò, boo wá tongòà tẹ a gbo tóló kina. Méeè, méeè, méeè...


Wá tongòà tẹ a sì nda ná. Wá sì, wá sì, wá sì...



Ekò, nòò làkpe, Komba pe : « Makàlà kè ma à ye na sià èe kè boo kòò wó à mɛɛ à pɛ tóló è. »


Komba á lèji jò a ye. Á gimè bitó à na sià èe kè boo kòò wó à mɛɛ à pɛ tóló nè. Komba à dɔ, Komba à dɔ, Komba à dɔ... Komba à kotò.

Pe Komba kotò koà, é sià èe kè boo wó bà mɛɛ nè, é pe : « Wooo ! Yékè ngé nye kokò è ? Makàlà kè boo ngó mòmóló wá ye kò jókò a ngó, endè, wá be ngòbò ó tɛ mimilì. »




Pe Komba sià koà, é pe : « Ma à sià pe, boo kènòò wó te kpéké na mɛ̀ te èe a ngó àwa wó bà ngomà ngòmà kpóde. Makàlà kè ngaà ma ɔ́ à mɛ̀ pe wó ndé a jè tó à paki a ngó, wó bɔ̀ à pe tólo kè kòpe. »

Ekò, Komba á ɔ́ a kà ngòmà boo pe wó ndé a jè tó à paki a ngó. Á kà ngòmà bo náó. Á kà, á kà, á kà...



Nòò wá ngomà kò nà ngó ngòmà, nòò wá ngomà kò
nà ngó ngòmà, nòò wá ngomà kò nà ngó ngòmà, ndé
a jè ngòmà bí ó.



Èe á kè wó bòòlo tɛ à pɛ tóló kè kòpɛ, wá ɔ na sì tɛ
èe a ngó nè, ekò.

Lìkànò a mbì kè Komba é kào tɛ ngòmà boo kòpɛ à
pɛ tóló nè, ekò.

E sasa e : Sàa

E tì pɛ boo wó dòto tɛ na be ngòbó ó de, ndè Komba
kào ngòmà boo à pɛ tóló kè de.